

ლანჩხუთის მუნიციპალიტეტის საკრებულოს სოციალურ
საკითხთა, განათლების, კულტურისა და
ახალგაზრდულ საქმეთა კომისიის სხდომის
ოქმი № 10

ქ. ლანჩხუთი

21.11.2024 წელი

11:00 საათი

სხდომას უძღვებოდა: ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარე **კარლო კვიციანი**.

სხდომას ესწრებოდა კომისიის წევრები: ნინო მშვიდლობაძე, დარეჯან ბურჭულაძე, ლოლიტა ურუშაძე, ელისო ჭიჭინაძე, კარლო წილოსანი.

სხდომას აგრეთვე ესწრებოდნენ მოწვეული სტუმრები: ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსი **ირაკლი ხუბუნაიშვილი**, ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი **როლანდ ლაშია**, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში **ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ნინო ჭანტურიშვილი**.

სხდომის თავმჯდომარემ, კარლო კვიციანიმ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 26 აპრილის N25 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი კარლო კვიციანი/

2. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი კარლო კვიციანი/

3. „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი კარლო კვიციანი/

4. სხვადასხვა საკითხები.

დღის წესრიგის პროექტის მიმართ კომისიის წევრების მიერ შენიშვნები არ გამოთქმულა.

კომისიის თავმჯდომარემ, კარლო კვიციანი კენჭი უყარა დღის წესრიგის პროექტს:

მომხრე 6; წინააღმდეგი არც ერთი.

დღის წესრიგის პირველი საკითხი: „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 26 აპრილის N25 განკარგულებაში ცვლილების შეტანის თაობაზე” ისაუბრა ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსმა **ირაკლი ხუბუნაიშვილმა** და აღნიშნა, რომ საკრებულოს განკარგულების ცვლილების პროექტი, მომზადდა ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის მოხსენებითი ბარათის საფუძველზე, სადაც მიზანშეწონილად არის მიჩნეული, რომ საპრივატიზაციო ობიექტების ნუსხიდან და გეგმიდან ამოღებულ იქნას, მერიის აუქციონატორის მიერ, 27.06.52.438 და 27.06.53.309 საკადასტრო კოდზე რეგისტრირებული პრივატიზებული უძრავი ქონება. ასევე მიზანშეწონილია, რომ ლანჩხუთის მუნიციპალიტეტის მერიის მოთხოვნის საფუძველზე, სასამართლო ექსპერტიზის ეროვნული ბიუროს 2024 წლის 6 ნოემბრის N007694324 და N007693624 დასკვნებით შეფასებული - (ს/კ 27.15.47.696) და (ს/კ 27.15.41.394) საკადასტრო კოდებზე არსებული ლანჩხუთის მუნიციპალიტეტის საკუთრებაში არსებული უძრავი ქონება, შემდგომში განკარგვის მიზნით, აისახოს მუნიციპალიტეტის უძრავი ქონების საპრივატიზაციო ობიექტების ნუსხასა და გეგმაში.

კომისიის წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

კომისიის თავმჯდომარემ, კარლო კვიციანი კენჭი უყარა განკარგულების პროექტს.

მომხრე 6; წინააღმდეგი არც ერთი.

დღის წესრიგის მეორე საკითხი: „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ საკითხი სხდომას გააცნო ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა **როლანდ ლაშხიამ** და განმარტა, რომ საქართველოს მთავრობის 2023 წლის 28 დეკემბრის N2400 განკარგულებაში საქართველოს მთავრობის მიმდინარე წლის 05 აგვისტოს N1101 განკარგულებით შესული ცვლილებებით, სტიქიური მოვლენების შედეგების სალიკვიდაციო ღონისძიებების განხორციელების მიზნით სახელმწიფო ბიუჯეტის შესახებ „საქართველოს 2024 წლის გათვალისწინებული საქართველოს რეგიონებში განსახორციელებელი პროექტების ფონდიდან მუნიციპალიტეტს გამეყო 5000000 ლარი, რომელიც მიიმართება: შიდა გზების რეაბილიტაციაზე სამუშაოებზე 2918522 ლარი, სანიაღვრე არხების რეაბილიტაციაზე 707871 ლარი, ხიდების რეაბილიტაციაზე სამუშაოებზე 647830 ლარი, ნაპირსამაგრების რეაბილიტაციის სამუშაოებზე 725777 ლარი. საქართველოს მთავრობის 2023 წლის 28 დეკემბრის 2402 განკარგულებით მიმდინარე წლის 03 ოქტომბრის საქართველოს მთავრობის N1403 განკარგულებით შესული ცვლილებების შედეგად ქ. ლანჩხუთში ბაგრატიონის, ბესიკის, გოგიჩაიშვილის, ებრალიძის, თამარ მეფის (პირველი ეტაპი) რ. ებრალიძის, საფო მგელაძის და ხოფერიას ქუჩების რეაბილიტაციის სამუშაოები დაფინანსება გაიზარდა 144424 ლარით და განისაზღვრა 3650241 ლარი; აქედან საქართველოს რეგიონებში განსახორციელებელი პროექტების ფონდიდან 3467728 ლარი, ადგილობრივი ბიუჯეტით 182513 ლარი.

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

კომისიის თავმჯდომარემ, კარლო კვიციანიშვილმა კენჭი უყარა დადგენილების პროექტს.

მომხრე 6: წინააღმდეგი არც ერთი.

დღის წესრიგის მესამე საკითხი: „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ისაუბრა ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა **როლანდ ლაშხიამ** და განმარტა, რომ ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე. 2024 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 26377,3 ათას ლარს შეადგენს.

2025 წელს საგადასახადო შემოსავლების პროგნოზი გადასახადების სახეების მიხედვით შემდეგია:

დამატებული ღირებულების გადასახადის საპროგნოზო მაჩვენებელი განისაზღვრა 13942.0 ათასი ლარით; 2024 წლის გეგმურ მაჩვენებელთან შედარებით დღგ გაზრდილია 8.7 %-ით (1117,3 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

ქონების გადასახადის საპროგნოზო მაჩვენებელი შეადგენს 1600,0 ათას ლარს; 2024 წლის დამტკიცებულ გეგმასთან შედარებით ქონების გადასახადი 100 ათასი ლარით არის გაზრდილი, რაც გამოწვეულია საწარმოთა ქონების გადასახადის გაზრდით.

გრანტების სახით დაგეგმილი მაჩვენებლები განისაზღვრება 6450.8 ათასი ლარით, მათ შორის: 2024 წლის გეგმურ მაჩვენებელთან შედარებით გრანტები 5302.3 ათ ლარით შემცირდა.

2024 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

შემოსავლები საკუთრებიდან განსაზღვრულია 640,0 ათასი ლარის ოდენობით. 2024 წლის გეგმური მაჩვენებელი შენარჩუნებულია.

შემოსავლები საქონლისა და მომსახურების რეალიზაციიდან განსაზღვრულია 72,0 ათასი ლარის ოდენობით. აღნიშნული შემოსავლები 2024 წლის საპროგნოზო მაჩვენებლებთან არის შესაბამისობაში.

შემოსავლები სანქციები, ჯარიმები და საურავებიდან განსაზღვრულია 3472.5 ათასი ლარის ოდენობით, მათ შორის:

2024 წლის გეგმურ მაჩვენებელთან შედარებით გაზრდილია მოსალოდნელი შესრულების გათვალისწინებით. ტრანსფერები რომელიც სხვაგან არ არის კლასიფიცირებული (შემოსავალი ხელშეკრულების პირობების დარღვევის გამო დაკისრებული პირგასამტეხლოდან) 200,0 ათასი ლარი;

არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 120,0 ათასი ლარს. ამავდროულად ბიუჯეტი ითვალისწინებს ვალის დაფარვას 58,1 ათასი ლარის ოდენობით.

მუნიციპალიტეტის ბიუჯეტის გადასახდელების მოცულობა საკუთარი შემოსავლებით შეადგენს 25353.0 ათას ლარს (2024 წლის დაზუსტებულ გეგმასთან შედარებით იზრდება 518.3 ათასი ლარით). აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

ინფრასტრუქტურის განვითარება - 4390.3 ათასი ლარი; მათ შორის:

საგზაო ინფრასტრუქტურის განვითარება - 641.3 ათასი ლარი;

წყლის სისტემების განვითარება -259.2 ათასი ლარი;

გარე განათება - 961.6 ათასი ლარი;

კეთილმოწყობის ღონისძიებები-242,0 ათასი ლარი;

მუნიციპალური ტრანსპორტის განვითარება - 486,3 ათ ლარი.

საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 650,0 ათასი ლარი:

ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათასი ლარი.

დასუფთავება და გარემოს დაცვა განისაზღვრა - 2665,0 ათასი ლარი, მათ შორის:

დასუფთავება და ნარჩენების გატანა - 2343,0 ათასი ლარი,

მწვანე ნარგავების მოვლა-პატრონობა, განვითარება - 302,0 ათასი ლარი

უპატრონო ცხოველების მოვლითი ღონისძიებები - 20,0 ათასი ლარი;

განათლება - 5086,3 ათასი ლარი, მათ შორის:

სკოლამდელი განათლება - 5027,3 ათასი ლარი;

განათლების ხელშეწყობა - 59,0 ათასი ლარი;

კულტურა, ახალგაზრდობა და სპორტი - 5809,7 ათასი ლარი, მათ შორის:

სპორტის განვითარების ხელშეწყობა - 3524,6 ათასი ლარი;

კულტურის განვითარების ხელშეწყობა - 2253,1 ათასი ლარი;

ახალგაზრდობის მხარდაჭერა - 32,0 ათასი ლარი;

ჯანმრთელობის დაცვა და სოციალური უზრუნველყოფა - 1224,6 ათასი ლარი, მათ შორის:

სოციალური პროგრამები - 1224,6 ათასი ლარი;

მმართველობა - 6177,1 ათასი ლარი, მათ შორის:

საკრებულოს დაფინანსება - 1530,3 ათასი ლარი;

მერია - 4178,9 ათასი ლარი;

სარეზერვო ფონდი - 70,0 ათასი ლარი;

სსიპ მუნიციპალური განვითარების ფონდისთვის დასაფარავი თანხა და ვალის მომსახურება 68,1 ათასი ლარი. მათ შორის - ძირი 58,1 ათასი ლარი და პროცენტი - 10 ათასი ლარი.

წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 100,0 ათასი ლარი;

ტურიზმის განვითარების ხელშეწყობა - 2 ათასი ლარი;

სახელმწიფო ბიუჯეტის ფონდებიდან დაფინანსება განსაზღვრულია 6665.3 ათასი ლარით.

ლანჩუთის მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში: საერთო დანიშნულების სახელმწიფო მომსახურება - 6325.1 ათასი ლარი;

ეკონომიკური საქმიანობა - 5494.6 ათასი ლარი;

გარემოს დაცვა - 2645 ათასი ლარი;

საბინაო-კომუნალური მეურნეობა - 3397.3 ათასი ლარი;

დასვენება, კულტურა და რელიგია - 7549.4 ათასი ლარი;

განათლება - 5324.2 ათასი ლარი;

სოციალური დაცვა - 1224.6 ათასი ლარი;

კომისიის წევრების მიერ განკარგულების პროექტთან დაკავშირებით გამოითქვა შენიშვნები და წინადადებები.

კომისიის წევრმა ნინო მშვიდლობაძემ დააყენა შემდეგი საკითხები:

კარგი იქნება, თუ გაკეთდება რეგიონული თავშესაფარი უპატრონო ძაღლებისათვის. მისი განცხადებით, არსებობს ძაღლების რეესტრი, სადაც დაყოფილია კატეგორიებად პატრონიანი, მიკედლებული და უპატრონო ძაღლები. იმ შემთხვევაში, თუ დაბირკული ძაღლი აღმოჩნდება ქუჩაში, პატრონი ჯარიმდება სოლიდური თანხით. მისი აზრით, აუცილებელია ცოფიანი, ავადმყოფი და აგრესიული ძაღლების ევთანაზია.

ასევე, სწორი ნაწლავის კვლევა - კოლონოსკოპია დაემატოს სოციალურ პროგრამებში.

ობოლი, უდედმამო სტუდენტების ერთჯერადი დახმარების პროგრამა დაემატოს პროგრამაში.

რეაბილიტაციის პროგრამაში მოხდეს ცვლილება და ბენეფიციარებს პირადად გადაეცეთ 100 ლარიანი ვაუჩერები, რათა მათ თავად განსაზღვრონ, თუ რომელი კურორტია მათთვის მისაღები.

ახალშობილთა დახმარების პროგრამა დაემატოს სოციალურად დაუცველი ოჯახებისთვის.

მოხდეს კულტურის ცენტრის რეაბილიტაცია, რადგან არ არის ელემენტარული პირობები ბავშვებისთვის, არ არის გათბობა. სარეპეტიციო და 2(ორი) გასახდელი ოთახი არის ძალიან ცუდ მდგომარეობაში და აუცილებელია მათი მოწყობა.

მისი აზრით, მუზეუმების სტრუქტურა არის შესაცვლელი და კარგი იქნება თუ ყველა მუზეუმი მოექცევა ერთ სივრცეში და დაიყოფა განყოფილებებად. ასევე, შეიცვალოს თემურ ფირცხალაიშვილის მუზეუმის თემატიკა და შინაარსი და ეწოდოს ლიტერატურული სალონი.

სახელოვნებო სკოლა გახდეს ფასიანი.

კომისიის წევრმა დარეჯან ბურჭულაძემ აღნიშნა, რომ მის მიერ მოძიებული ინფორმაციით, მიმდინარე წლის დასაწყისიდან დღემდე ლანჩხუთის მუნიციპალიტეტში უპატრონო ძაღლების მიერ დაკბენილია 150 ადამიანი, შესაბამისად ვაქცინირებულია 150 პიროვნება. აღნიშნული ვაქცინა იწვევს ჯანმრთელობის სერიოზულ პრობლემებს. უკვე შეუძლებელია ქუჩაში უსაფრთხოდ გადაადგილება, სწორედ ამიტომ, მოსახლეობა აპირებს პეტიციით შემოვიდეს საკრებულოში და ასევე ახალი მოწვევის პარლამენტში. მისი სურვილია მუნიციპალიტეტის საკრებულომ თხოვნით მიმართოს ზემდგომ ორგანოებს, რათა შეძლებისდაგვარად დროულად მოგვარდეს ეს პრობლემა.

დარეჯან ბურჭულაძის სურვილია ა(ა)იპ-ებში დასაქმებულ იმ პირებს, რომელთა ფინანსური სარგოც ძალიან დაბალია, ხელფასი გაეზარდოს 20 %-ით. მისი თქმით, ცნობილია, რომ საქართველოს მთავრობის მიერ, ბიუჯეტში მთელი ქვეყნის მასშტაბით განსაზღვრულია ხელფასების 10 %-იანი ზრდა, რაც მისასალმებელია, მაგრამ, კარგი იქნება, თუ კიდევ 10%-ის დამატება მოხდება ადგილობრივი ბიუჯეტიდან.

აგრეთვე, ომის ვეტერანების დახმარება გაიზარდოს 100 ლარამდე.

მრავალშვილიანი ოჯახების დახმარების პროგრამაში შევიდეს ცვლილება და ბავშვების ჩახსნა მოხდეს ან მას შემდეგ, როცა ოჯახში 2 შვილი გახდება 18 წლის, ან ჩაიხსნას მხოლოდ ის მოზარდი, რომელსაც შეუსრულდება 18 წელი, ხოლო დანარჩენებს ისევ გაუგრძელდეთ დახმარება მანამ, სანამ თითოეული მათგანი არ გახდება სრულწლოვანი.

კულტურის ცენტრში არსებული გარე საპირფარეშო ან გარემონტდეს, ან მოხდეს ლიკვიდაცია.

სუფსის კულტურის სახლში, კერძოდ გასახდელში იატაკი არის ჩავარდნილი და შესაკეთებელია ბავშვების უსაფრთხოების მიზნით.

კომისიის წევრმა ელისო ჭიჭინაძემ აღნიშნა, რომ მორფოლოგიური კვლევის პროგრამაში დაემატოს იმუნო-ჰისტო ქიმიური კვლევა.

ცელიაკის პროგრამით მოსარგებლე ბავშვებს (სულ 3 ბავშვი), რომელთა დახმარება განისაზღვრება თვეში 300 ლარის ოდენობით, 100 ლარით გაეზარდოს დახმარება და გახდეს 400 ლარი.

კომისიის წევრმა ლოლიტა ურუშაძემ აღნიშნა, რომ კარგი იქნება თუ მოხდება გლაუკომის მკურნალობის დაფინანსება, კერძოდ, პრეპარატ „ავასტინის“ დაფინანსება 200 ლარით, რაც სრულიად საკმარისია 2 ინექციის შესაძენად.

კომისიის თავმჯდომარემ, კარლო კვიციანიშვილმა აღნიშნა, რომ ბინის ქირავნობის პროგრამა გაიზარდოს 50 ლარით და გახდეს 200 ლარი.

მისი თქმით, აუცილებელია ნაგავსაყრელის მოწყობა მუნიციპალიტეტის ტერიტორიაზე. აგრეთვე, სასურველია დაწესდეს ნაგვის გატანის მინიმალური საკომისიო, დაახლოებით 50 თეთრის ოდენობით 1 სულ მოსახლეზე.

ასევე, მოხდეს ქალაქის პირველი საბავშვო ბაღის დარბაზის მოწყობა.


აუცილებელია აგრარული ბაზრისა და ავტოსადგურის მოწყობა, რისთვისაც უკვე გამოყოფილია ტერიტორია.

კომისიის თავმჯდომარემ, კარლო კვიციანიშვილმა კენჭი უყარა განკარგულების პროექტს.

მომხრე 6; წინააღმდეგი არც ერთი.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს
სოციალურ საკითხთა, განათლების, კულტურისა
და ახალგაზრდულ საქმეთა კომისიის თავმჯდომარე:



/კარლო კვიციანიშვილი/

**ლანჩხუთის მუნიციპალიტეტის საკრებულო
სოციალურ საკითხთა, განათლების, კულტურისა და
ახალგაზრდულ საქმეთა კომისია**

2800 ლანჩხუთი, კოსტავას 37 0 494 22 30 19

**ლანჩხუთის მუნიციპალიტეტის საკრებულოს სოციალურ საკითხთა,
განათლების, კულტურისა
და ახალგაზრდულ საქმეთა კომისიის №10 სხდომის
დასკვნა**

ქ. ლანჩხუთი

21.11.2024 წ.

2024 წლის 21 ნოემბერს მოწვეულ იქნა ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 26 აპრილის N25 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი კარლო კვიციანიშვილი/

2. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი კარლო კვიციანიშვილი/

3. „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი კარლო კვიციანიშვილი/

კომისიამ მიიღო გადაწყვეტილება:

დღის წესრიგის პირველი საკითხი: „ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუნიციპალიტეტის ქონების პრივატიზაციის გეგმის დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 26 აპრილის N25 განკარგულებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს განკარგულების პროექტი მიღებული იქნა შენიშვნების გარეშე.

მომხრე 6; წინააღმდეგი არც ერთი.

დღის წესრიგის მეორე საკითხი: „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი მიღებული იქნა შენიშვნების გარეშე.

მომხრე 6; წინააღმდეგი არც ერთი.

დღის წესრიგის მესამე საკითხი: „ლანჩხუთის მუნიციპალიტეტის 2025 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტთან დაკავშირებით გამოითქვა შენიშვნები და წინადადებები.

მომხრე 6; წინააღმდეგი არც ერთი.

ლანჩხუთის მუნიციპალიტეტის საკრებულოს
სოციალურ საკითხთა, განათლების, კულტურისა
და ახალგაზრდულ საქმეთა კომისიის თავმჯდომარე:












/კარლო კვინთაშვილი/

ლანჩხუთის მუნიციპალიტეტის საკრებულოს სოციალურ საკითხთა,
განათლების, კულტურისა და ახალგაზრდულ საქმეთა კომისიის წევრები

სარეგისტრაციო ფურცელი

21.11.2024 წელი

11:00 საათი

სახელი, გვარი	დაწყების დრო	ხელმოწერა
1. კარლო კვიციანი	10:55	
2. ნინო მშვიდლობაძე	10:56	
3. დარეჯან ბურჭულაძე	10:55	
4. ლოლიტა ურუშაძე	10:55	
5. კარლო წილოსანი	10:58	
6. ირმა მგელაძე	სხ ესწიგნოძე	
7. მაკა მშვიდლობაძე	სხ ესწიგნოძე	
8. გოჩა ჯანაშია	სხ ესწიგნოძე	
9. რევაზ კვერენჩილაძე	სხ ესწიგნოძე	
10. ელისო ჭიჭინაძე	10:58	